

tamentes dat wtghestortet sal wor-
den voer voele menschen in verlatte
nisse der sonden en sie droncken alle
daer van Ende hie sede hiet die hant
die my verraden sal is myt my ider
tafelen Ende al soe als ghescreue is
gaet die soene des menschen meer
nochtans wie den menschen oimids
wen hie sal worden verraden Doe
was daer ene vand **Thius** discipulen
rustende in syn schoet den hie myn-
de. **Symon** peter wente daer omē de-
sen en sede **Wie** ist daer hie of secht
Doe die alsoe rustede op die borst
sede hie **Here** wie ist **Jes** sede **Hie**
ist den ick dat ghenettede broet sal
gheuen En doe hie dat broet ghenet-
tet hadde giff hie iudas symonis
schariothis en nae dat stukke gheek
die want in hem Doe sede hē **Jesus**
Dattu doeste doe haesteleek **meer**
dat en wiste niemant va den die.